



EUROPSKI FORUM ZA GRADSKU SIGURNOST

MANIFEST IZ ZARAGOZE

Sudionici na skupu u Zaragozi koji je održan 2. 3. i 4. studenog 2006. godine usvojili su Manifest iz Zaragoze o gradskoj sigurnosti i demokraciji :

« 1- Sigurnost je zajedničko dobro od presudne važnosti, koje je u uskoj povezanosti sa drugim zajedničkim dobrima kao što su društveno angažiranje, pravo na rad, zdravlje, obrazovanje i kulturu. Svaka strategija koja koristi strah treba biti odbačena u korist akcija koje postižu aktivno građanstvo, učestvovanje u gradskom prostoru i razvijanje kolektivnog života. Pristup pravima potpješuje pravo na sigurnost.

2- Svjesni veoma zabrinjavajuće težine kojom kriminalitet u svim svojim oblicima vrši pritisak na održavanje socijalne, pravne, kulturne i političke ravnoteže, sudionici na ovom skupu žele da se uspostave integrirane i efikasne globalne politike čiji će cilj biti borba protiv posljedica kriminaliteta, ali isto tako i borba protiv uzroka socijalne isključenosti, diskriminacije u pravima i ekonomske nejednakosti.

3- Sudionici na skupu su prije svega skrenuli pažnju na priznavanje prava žena na puno učešće u profesionalnim i društvenim aktivnostima i na razvijanje, glede toga, globalne politike borbe protiv nesigurnosti. Nasilje čije su one žrtve ocrtaiva nejednakost odnosa između muškaraca i žena i kulturnih predrasuda. Pravo Žena mora biti predmet programa poboljšanja jednakosti i pristupa po spolovima.

4- I pored lokalnog postojanja dijaloga među ljudima i kulturama, veliki je rizik da snage koje podržavaju « šok civilizacija » prevladaju, stvarajući jedno apokaliptičko okruženje glede sigurnosti i budućnosti građana. U takvoj situaciji, naše angažiranje u svojstvu administratora i predstavnika naših zajednica općina je da stvorimo prostor za dijalog i susretanje stanovnika različitog porijekla, te da omogućimo uspostavljanje veza među civilizacijama.

5- Ohrabrujući Uniju da uspostavi zajednička europska pravila u vezi sa uvjetima prihvatanja i vraćanja u zemlju porijekla stranih građana, mi potvrđujemo našu opredjeljenost da zajamčimo takve uvjete prihvata koji će poštivati temeljna prava, te mjere integriranja i pravila podjela prava i dužnosti, posebice kad se radi o regularnim imigrantima.

6- Terorizam pokušava iskoristiti socijalne i kulturne nejednakosti koje postoje u našim društvima. Svaki odgovor koji bi davao za pravo diskriminatornim djelovanjima, koji bi prstom upirao na one koji treba da ispaštaju za tuđu krivnju, koji bi ohrabrivao agresivne i rasističke stavove, treba da bude odbačen.

7- Podcrtavamo potrebu očuvanja slobode i pozivamo države i međunarodne institucije da poštuju temeljna prava.

8- Tražimo priznavanje uloge grada od strane Europske unije i država, te da to priznavanje bude podržano financijskim sredstvima.

Gradovi i teritorijalne zajednice općina moraju imati lokalne planove sigurnosti u kojima će biti uključene mjere prevencije i posljedice organizovanog kriminala te posebice trgovine ljudima.

Uloga medija mora biti uzeta u obzir, a svaka ideološka i religiozna instrumentalizacija treba da se izbjegne.

9- Obezbijediti sigurno okruženje stanovnicima i potsticati socijalnu koheziju je prva dužnost pobjednika lokalnih izbora. Svojim staregijama urbane rekonstrukcije i obezbijedivanja osnovnih službi na polju obrazovanja, društvenog života i kulture, gradovi imaju mogućnost da djeluju na uzroke i posljedice nesigurnosti. Razvijajući integrirane i više-sektorske pristupe uz pomoć regionalnih, nacionalnih i europskih organa vlasti, gradske politike će inovirati ako ne prepuste brigu o sigurnosti samo organima pravosuđa i policiji.

10- Sudjelovanje gradova i zajednica općina u politici trajne sigurnosti mora da nađe podršku u nacionalnim, ali isto tako i u europskim i međunarodnim institucijama. Postupak koji će ići « od dole ka gore » mora da prethodi osmišljavanju i odvijanju programa akcija, bilo da se radi o Europskoj uniji ili o drugim međunarodnim instancama.

Prioritet mora biti dat eksperimentalizaciji novih praksi, razvoju metodologija procjene i ocjene situacije, razmijeni i suradnji među gradovima, više-disciplinarnom obrazovanju lokalnih učesnika, te širenju prakse, kao što je na primjer ona koja se odnosi na partnerske odnose sa privatnim sektorom.

11- Uloga izabranih na lokalnim nivou u kriznoj situaciji, ili u njihovom svakodnevnom djelovanju, je da podstiču okupljanje svih stanovnika njihovih gradova, bez obzira na njihovo filozofsko i seksualno opredeljenje, na njihovu etničku, kulturnu i religioznu pripadnost, ili na njihovo pravno stanje. Ta uloga je zagarantirana obazrivim poštivanjem jednakosti svih u odnosu na pristup i korištenje gradskim službama.

12- Naši naponi moraju ohrabriti rađanje jedne zajedničke svijesti o našim problemima i mogućnostima njihovog zajedničkog rješavanja, brinući se da održavamo dijalog među gradovima svih kontinenata koji će biti zasnovan na međusobnom obogaćivanju, toleranciji i poštivanju sloboda. »

04. studeni 2006. godine